

札

邊

札遼卷七

瑞安孫詒讓

韓非子某氏注

吳應景宋乾道刊本
本蒲阪圓增讀韓非子校

顧廣圻識誤校
盧文弨羣書拾

補校

王念孫讀書雜誌餘編校

俞樾諸子平議校

初見秦

第一其頓首戴羽爲將軍斲死於前盧校改頓爲頡云據

戰國策補注改引正說文頡直項也案元本國策補注

仍作頓盧校非此頓首疑當作頓足下文云頓足徒跣犯

白刃蹈鑪炭斲死於前者皆是也正與此文相應是其證

乃使其臣張孟談於是乃潛於行而出案潛下明刻無於

字此誤衍也十過篇云趙孟談曰臣請試潛行而出見韓

魏之君潛下亦無於字

戰國策秦策一載此
事亦作潛行而出

愛臣第四將相之管主而隆國家此人君者所外也蒲阪圓本作

後主而隆家云物本後作管隆下有國字

物茂卿本

凌本同非

初本八經篇家隆刼殺之難

案管主後主並無義管當

作營形近而誤營主謂營惑其主也

淮南子原道訓高注云營惑也

隆國

家當依蒲阪本刪國字彼引八經篇爲證是也隆家言構諸大家使爭闡詳後八經篇

夫燕宋之所以弑其君者皆以類也

案以類當作此類

是故不得四從不載奇兵非傳非遽載奇兵革罪死不赦舊

注云四鄰之國爲私交

案注說非也此四從四與駟通

謂駟乘也

左文十一年叔孫得臣敗狄於鹹傳云侯叔夏御莊叔縣房甥爲右富父終甥駟乘杜注云駟

乘四人共車

從謂從車皆論貴臣隨從車乘之事下云不載奇

兵卽冢上四從而言史記商君傳趙良曰五殺大夫之相

秦也行於國中不從車乘不操干戈又曰君之出也後車

十數從車載甲多力而駢脅者爲驂乘

參乘爲驂乘四乘爲駟乘二者略同

商君正以從車載兵甲故爲趙良所責可證此文之義

主道

第五官有一人勿令通言則萬物皆盡函掩其跡匿其端盧

云掩字疑是注凌本無顧校云盡函句絕

蒲阪同讀同

案函

當爲亟函俗作函形近而誤爾雅釋詁云亟疾也此當以

亟掩其跡爲句顧讀則萬物皆盡函句失之盧校尤誤

第十過

楚靈王爲申之命宋太子後至執而囚之狎徐君拘齊

慶封中射士諫曰舊注云中射士官有上中下顧云本書說

林上下皆有中射之士射他書又作謝呂氏春秋去宥云

中謝細人也史記張儀列傳索隱云蓋侍御之官

案呂

覽高注云中謝官名也謝與射通字當以射爲正蓋卽周

禮夏官之射人也

國策楚策亦有中射之士鮑彪注云射人之在中者鮑不引周禮則似謂能射

之人在中者與中射者射人之給事宮內者猶涓人之在

內者謂之中涓庶子之在內者謂之中庶子矣周禮射人

與大僕並掌朝位又大喪與僕人遷尸禮記檀弓云扶君

卜人師扶右射人師扶左鄭注云卜當爲僕聲之誤也僕

人射人皆平生時贊正君服位者是射人與僕人爲官聯

故後世合二官以爲侍御近臣之名曰僕射

史記韓信傳連敖集解如

瀟云楚有連尹莫敖其後合爲一官亦合二官爲名之證

漢書百官公卿表云僕射秦

官古者重武官有主射以督課之此義尙與古合李涪刊

誤引孔衍則云僕射小官扶掖左右者也此因後世僕射

字音夜而爲之說不足據也

漢書百官表顏注引應劭云僕主也未塙

孤憤第

十一人主所以謂齊亾者非地與城亾也

案主字衍

解老第

二十赤松得之與天地統

案統疑當作終言壽與天地

同長也終統二字篆文形相近而誤

說林下第二十三

伯樂教其所憎者相千里之馬教其所愛者相驚

馬千里之馬時一其利緩驚馬日售其利急此周書所謂下

言而上用者惑也案此所引蓋逸周書佚文淮南子汜論

訓云咎者周書有言曰上言者下用也下言者上用也上

言者常也下言者權也高注云用可否相濟也常爲君常

也權謀也謀度事宜不失其道兩文同出一原而意情皆

不甚明暫以高說推之似謂上言而下用之者爲事之常

下言而上用之者則爲權時暫用權與常相對爲文故文

子道德篇亦云上言者常用也下言者權用也卽隱襲淮

南書語蓋尙得其指此云下言而上用者惑也惑古字與

或通用或亦不常用之言與淮南文子言權略同韓子引

之者以況千里馬時一其利緩猶下言上用之不可爲常耳

宋之富賈有監止子者與人爭買百金之璞玉因佯失而毀

之負其百金案負其百金者謂償其值百金負猶後世言

陪也

韓詩外傳三云子產之治鄭一年而負罰之過省

魏書刑法志云盜官物一

備五私物一備十通鑑宋紀胡三省注云備陪償今人多

云陪備

負陪聲近字通陪今俗作賠古無此字

韓子索兵於魏顧校引王涓云子字衍策燕案存韓篇亦

云詔以韓客之所上書書言韓子之未可舉下臣斯

依宋本

則子字似非衍

外諸說左上第三十二

耕者盡巧而正畦陌畦時者非愛主人也顧云

今本下畦作疇按時非此之用句當衍二字未詳

案時

當作均一切經音義引倉頡篇云畦埒也是其證此畦埒

二字蓋舊注之文傳寫誤輾入正文遂複舛不可通耳後文

云趙主父令工施鉤梯而緣播吾刻疎人迹其上
盧校亦以人迹二字爲注誤入正文與此正同

外儲說左及文公反國舉兵攻用兌而拔之顧云藏本同今
第三十三

本用兌二字作原按句有誤案用當爲周之誤兌讀爲

隧謂六遂也隧兌字通詳前國語周語云晉文公既定襄

王於邲王勞之以地辭請隧焉韋注云隧六隧也事亦見
僖二十

五年左傳杜預注以隧
爲王之葬禮與韋說異此文公攻原卽周襄王所賜之地

於王國爲都鄙不在六遂而云攻周遂者蓋戰國時已有

文公請六遂之說展轉傳譌遂以文公伐原爲攻周之遂

地先秦諸子解經已不免沿譌悉心推校可略得其輾迹

今本作原則明人不知而妄改不足據也

外儲說右上 第三十四 荆莊王有茅門之法曰羣臣大夫諸公子入朝

馬蹏踐雷者廷理斬其軻戮其御下文茅門作荊門說苑至公篇與此略同亦作茅門

一曰楚王急召太子楚國之法車不得至於荊門天雨廷中

有潦太子遂驅車至於荊門說苑云楚莊王之時太子車立於茅門之內案茅

門卽雉門也說文佳部云雉古文作𨾏或省爲弟與茅形

近而誤史記魯世家築茅闕門卽春秋定二年經之雉門

兩觀也諸侯三門庫雉路外朝在雉門外茅門之法院理

掌之卽周禮秋官朝士掌建邦外朝之法也天子諸侯三

朝皆有廷士理宇通詳前鶚冠子

狐子封曰不足此皆所以慎產也而戰之者殺之也民之從

公也爲慎產也公因而迎殺之失所以爲從公矣物茂卿云

慎順通言不違生產之道也韓非子讀案物讀慎爲順是也

此產與生義同字通迎殺迎當爲逆慎產者言文公所言皆是順其生之事迎殺者言戰爲逆而殺之之事順逆生殺文正相對也

外儲說右然而使王良操左革而叱咤之使造父操右革而鞭笞之馬不能行十里其故也 案革勒古字通說文革部云勒馬頭絡銜也詩小雅蓼蕭肇革沖沖毛傳云革轡首也革卽鞞革亦卽勒也

田嬰令官具押券斗石參升之計又云吏盡掄刀削其押券升石之計顧云下文無斗參作升石按此未詳 案商子定

分篇云主法令之吏謹其石券木押以室藏之封以法令

之長印此押券卽右券木押

押與押通說文木部云檢押也

參升二字疑

衍下文升石當依上作斗石斗升隸書形近而誤

詳前急就篇

難二第 李兌治中山苦陘令上計而入多李兌曰語言辨聽

之說不度於義謂之宛言注云苟且也蒲阪云李兌合作李

克其治中山已見左下外傳語言下文作言語辨辯通聽

合作聰魏都賦注引李克書曰言語辨聰之說而不度於

義者謂之膠言文選案蒲阪圓據劉達引李克書校正

此文郅瑀御覽一百六十一引史記亦以此為李克事今

而難之李克書即漢書藝文志儒家李克惟宛言膠言義

七篇之佚文劉達所引未全此可以補之

兩通廣雅釋詁云膠欺也方言云當各從本書昭二十一

年左傳云小者不宛杜注云宛細不滿呂氏春秋適音蓋

宛宛言者虛言不可信以為實下文宛貨者虛貨不可恃

以為富也舊注釋為苟且蓋讀為佻愉字於義未切

難三第不紹葉公之明而使之悅近而來遠盧校依明凌瀛

初本紹作咎案盧校非也此紹當作詔謂詔告之以尚

明之義紹詔形聲竝相近

知下明則見精沐案精沐義不可通疑當爲精悉說文心

部云悉詳盡也悉或變作恠又譌作恍見前與沐形近因

而致誤

入說第任智則君欺任修則君事亂案下句君字衍

四十七指笏干戚不適有方鐵銛注云方楯也案有方當爲酋

酋有音近方墨子備水篇云方二十人人擅酋今本

形近因而致誤亦譌作有方與此正同詳余所著墨子閒詁

人臣肆意陳欲曰俠人主肆意陳欲曰亂人臣輕上曰驕人

主輕下曰暴行理同實下以受譽上以得非人臣大得人主

大凸 案驕當作矯謂矯君也荀子臣道篇云有能比知同
力率羣臣百吏而相與彊君矯君君雖不安不能不聽遂
以解國之大患除國之大害成於尊君安國謂之輔卽此
所謂人臣輕上曰矯此俠與矯皆美名亂與暴皆惡名故
云下以受譽上以得非若作驕則不得爲譽矣矯字又作
矯荀子楊注云矯與矯同屈也後忠孝篇云故烈士內不爲家亂世絕
嗣而外矯於君義亦同

八經第四十八外國之置諸吏者結誅親暱重帑願云藏本無結字
今本結誅作誅其皆誤 案結當爲詰同聲段偃字外國
之置諸吏者謂鄰國之爲內臣求官者戰國時往往有之
結誅謂詰其罪而誅之

外不籍內不因則姦充塞矣

案姦充塞義不可通充疑當

作兌老子云塞其兌閉其門兌卽隧之段字

詳前

隧猶徑也

塞其兌謂塞其涂徑姦兌塞亦謂姦之涂徑塞也

淮南子兵略訓

云立正法塞邪隧姦兌塞與塞邪隧義同

大臣兩重提衡而不踦曰卷禍其患家隆刼殺之難作 案

卷禍卷當作養謂養成禍亂也養卷形近而誤家隆隆讀

爲閔呂氏春秋察微篇云楚卑梁公舉兵攻吳之邊邑吳

王怒使人舉兵侵楚之邊邑吳楚以此大隆大隆卽大閔

也孟子云鄒與魯閔孫奭音義引劉熙注云閔構也構兵

以闕也

說文門部云闕闕也

此云家隆卽家閔亦謂私家構兵爭鬪

也隆與閔古音相近得相通脩古文苑揚雄宗正箴云脩

杜夏時太康不恭有仍二女五子家降降與隆聲類亦同

古字通用彼家降與此家隆事異而義正同

而務賕紋之政又云行賕紋以疑法顧云紋字有誤未詳所當作案紋疑當作納篆文納作納紋作紃二形相近而誤納謂納貨財于女也國語鄭語說褻姒云褻人有獄而以爲入入納義同

忠孝第五十一古者黔首悅密蠢愚故可以虛名取也今民儇詗智

慧欲自用不聽上注云悅忘情貌案爾雅釋詁云密靜也

悅密謂忘情而靜謐也

莊子大宗師篇云悅乎忘其言也

詗當作譎字形

相近而誤列女傳節義篇京師節女傳使要其女爲中譎

亦卽中詗之誤

中詗見漢書淮南王安傳

可與此互證

顯學第五十

有相夫氏之墨蒲阪圓引山仲質云相夫一本祖夫

案廣韻二十陌伯字注云韓子有伯夫氏墨家流則古

本相或作伯山氏所見本作祖夫疑卽伯夫之誤

相或當爲柏之

誤占柏伯
聲同字通

制分第十五然則去微姦之柰何顧云藏本今本之下有道字按
非也此當衍之字案此當云然則微姦之法柰何此篇
首以法重發端以下至篇末法字凡十五見此去亦卽法
之壞字校者不知其誤因移著微姦之上遂不可通矣微
者慙之借字說文見部云慙司也墨子迎敵祠篇云謹微
察之亦以微爲慙與此正同微姦之法謂司察姦人之法
也之非衍字藏本今本道字固後人臆增顧校亦未允

燕丹子

孫星衍校刊本

卷中是疑而生於世光所羞也案是當作見後文荆軻述田

光言太子戒以國事恥以丈夫而不見信卽家此文而言
卷下民氏曰太子置酒請軻孫校云民氏疑昏昏之譌案民

氏日固不可通孫疑作昏昏日亦未安疑民乃后之譌氏則衍文也后與後同後文云後日與軻之東宮臨池而觀又云後日軻從容曰可證

軻拾瓦投鼃太子令人奉槃金軻用抵抵盡復進孫云初學記天部史記刺客列傳索隱引作太子奉金瓦進之案奉槃金當作奉槃金丸今本挽一九字初學記史記索隱引作金瓦瓦卽丸之誤太平寰宇記河北道易州引九州要記云荆軻城南臨濡水卽軻以金圖投鼃處金圖當作金圓圓亦卽丸也

新語 宋翔鳳校刊本 俞樾讀書餘錄校

道基 樂金鑲木分苞燒殖以備器械 案苞與匏通 太玄經達次三 云歐美可以達於瓜苞論衡無形篇 分匏謂爲蠡瓢之屬云更以苞瓜喻之苞並匏之俗字

儀禮士昏禮鄭注云合卺破匏也莊子逍遙游篇說大瓠
云剖之以爲瓢分與破剖義同殖當讀爲考工記搏埴之
埴燒埴謂陶甒之事也

美才次德 案美疑差之誤差與次義同謂差次才之高下
也

術事第二聖人貴寬而世人賤眾 案貴寬無義疑當作聖人不

貴寡寡與寬形近而誤下祿字書寬俗作寬上又挽不字

貴寡與賤眾文正相對後慎微篇分則取寡寡亦譌作寬

見俞氏讀可證俞校謂寬疑實字之誤未塙

辨惑第五故行或合於世或順於耳 案行不可言順於耳此篇

多以言行對舉此亦當作言或順於耳今本誤挽一言字

至德第八饒不足好以快婦人之目宋云本作饒不用之好以口

婦人之目依羣書治要改子彙本繕作繕快作悅 案此當作繕不用之好謂修繕無用之玩好也前無爲篇云繕雕琢刻畫之好文例與此正同治要所引亦有悅誤

懷慮第九口陰陽合物恡作乾谿之臺立百仞之高 案恡當作

怪形近而誤史記封禪書云葭弘依物怪欲以致諸侯公羊莊三十一年何休注云禮天子有靈臺以候天地諸侯有靈臺以候四時故陸子以陰陽物怪言之

撥刺難匡 案撥卬之俗字刺當作刺說文卬部云卬足刺卬也讀若撥刀部云刺戾也淮南子脩務訓云琴或撥刺枉撓高注云撥刺不正也程榮本刺作剡九譌

本行第十深授其化以厚終始治去事以正來世 案此言孔子

作春秋也厚當爲序漢隸序厚二字形近漢荆州刺史度向碑厚作厚三

公出碑厚作序故傳寫多互譌毛詩序厚人倫釋文云厚

本或作序亦其證也序終始謂序次十二公之事也

賈子新書

蓋文弼校刊本

傳錄戴堅校本

俞樾諸子平

盧校新書敘云漢書藝文志儒家載賈誼五十八篇隋書
經籍志載賈子十卷錄一卷舊唐書志則云九卷其稱賈
子則同新唐書志始稱賈誼新書其卷則十案馬總意

林二引此書題賈誼新書八卷高似孫子略載庾仲容子

鈔目同

推八卷作九卷

則梁時已稱新書不自新唐志始也新書

者蓋劉向奏書時所題凡未校者為故書已校定可繕寫

者為新書楊倞注荀子末載舊本目錄劉向敘錄前題荀

卿新書十二卷三十二篇殷敬順列子釋文亦載舊題云

列子新書目錄

宋本劉敘前無此目非唐本之舊釋文又云此是劉向取二十篇除合而成都名新

書焉案殷氏所釋最為審塙又引劉向上管子奏稱管子新書目錄本

管子亦足證諸子古本舊題大氏如是意林又載晁錯新書三卷隋書經籍

志引梁七錄作朝氏新書朝晁字通若然此書隋唐本當題賈子新書隋唐志著

錄稱賈子者省文蓋新書本非賈書之專名宋元以後諸子舊題

刪易殆盡惟賈子尚存此二字讀者不審遂以新書專屬

之賈子校槧者又去賈子而但稱新書展轉譌省忘其本

始殆不可為典要盧校載宋淳祐八年潭州刊本止題賈子雖非隋唐本之舊然猶愈於止題新

書之不辨某氏書也盧校頗為精審而亦沿茲題何也

制不特賴其尚幼偷猥之數也盧云偷猥猶言偷安苟且建

本說作偷煖潭本作偷煖洪頤煊云後漢書鄧禹傳李注

引漢官儀曰其次下土小國侯以肺腑親公主子孫奉墳

墓於京師亦隨時朝見是為限諸侯偷猥之數謂等於限

諸侯之數猥與隈同

讀書叢錄

案洪謂猥卽隈諸侯是也海

昌唐仁壽云史記秦始皇本紀有倫侯建成侯趙亥倫侯

昌武侯成倫侯武信侯馮毋擇索隱云爵卑於列侯無封

邑者倫類也亦列侯之類倫猥卽謂倫侯及猥諸侯

此冊不錄

它人說光緒初元余在安慶唐君貽書示以此義歎其邇

微咎者衛侯朝於周周行問其名曰衛侯辟彊周行還之曰

啟彊辟彊天子之號諸侯弗得用衛侯更其名曰嬖然後受

之盧云周行韓非子作周行人

外儲說右篇

下同辟彊音闕彊

本卽作彊字字書不載嬖字韓非子作嬖衛文公名也

案匡謬正俗五引竝與韓子同彊亦作彊潭本是也

時

變諸侯設詔而相飭設輶而相紹者爲知盧云潭本作諸侯

設詔而相輶飾詐而相紹紹一作詔皆未詳或疑詔當爲

詔輒當爲復 案飭當爲飾紹當爲給詔亦詒之誤說文
言部云詒相欺語也字通作給穀梁定元年范甯注云給
欺給也輒當爲復之俗字輒復聲類同謂設復很之心而相詐
給也

胡以行義禮節爲家富而出官耳 案出官疑當作士宦形
近而誤士與仕通

孽產 夫錚此而有安上者殆未有也盧云錚此猶言際此山
海經驪山是錚于西海敦題之山東錚于北海錚章閏反
郭注錚猶堤埽也是則今人所謂邊際耳 案盧引山海
海證此錚字是也而釋爲際則非以文義推之錚當讀爲
準說文士部云埽射臬也讀若準是錚埽準三字聲近字
通

今也平居則無苾施盧云苾與柴同苾施猶藩籬也 案盧說是也施與地通說文木部云地落也一切經音義引通俗文云柴垣曰地地籬字同

匈奴夢中許人覺且不背其信戴校云此不可解必是妄增案此隱據周文王事見後論誠篇非後人妄增

飯物故四五盛美馘臙炙肉具醯醢方數尺於前盧云臙字書無之一本作臙卽豬字亦非辭疑臙肉二字爲衍文

案美當爲羹臙當爲臙竝形之誤後文云美臙炙臙者此美亦羹之誤又云飯羹啗臙俗炙字皆其證也說文肉部云臙臙

也急就篇云臙臙炙馘各有形此當讀羹馘臙炙爲句肉具醯醢爲句肉具猶史記陳平世家所云大半具對粗惡蔬菜之食爲草具也盧校讀美馘臙炙肉爲句又疑臙肉

爲行文並失之

或薄或揜爲其胡戲 案薄當作搏說文竹部云搏局戲也
六箸十二棋也漢書貨殖傳云搏掩顏注云搏字或作博
博六博也掩意錢之屬也皆戲而賭取財物薄揜卽博掩
也

上使樂府幸假之但樂 案但當作倡倡與但形近而誤文
子上德篇使倡吹竽淮南子說林訓倡譌作但與此正同
下文云上幸令官助之具假之樂假之倡樂卽假之樂也
因於要險之所多爲鑿開眾而延之 案此冢上文關市而
言開當作關下文云關吏卒足以自守亦可證眾疑當爲
聚之誤

美臠炙臠者盧云譚本炙臠倒 案譚本是也美當作羹說

詳前

^勢夫胡人於古小諸侯所銓權而服也盧云銓權未詳案

權當作稷說文金部云銓稷禾短鎌也詩周頌臣工篇奄

觀銓又毛傳云銓稷也此以刈禾爲喻言以銓刈及薙卽

可征服之也

管子輕重已篇稷渠又作權渠與此正同

^難舍人橫制等室之門盧云等室他無所見疑是靜室卽前

階級篇之清室也案等室當作寺室謂官寺宮室盧校

誤後漢書光武紀李注引風俗通云諸官府所上皆曰寺

後漢書張堪傳云告歸平陵望寺門而步寺室之門卽寺

門也

^禮

湯曰咎蛛蝥作罟不高順不用命者寧丁我網案不高

順三字難解疑當作高下順

句

下又有說字卽諭誠篇所

云欲高者高欲下者下也

春秋無驕熙之行盧云潭本熙作燕 案熙卽嬰之偕字說文

女部云嬰說樂也

耳痺置社稷而分裂容臺榭而掩敗盧云稷別本作稿疑是稿

潭本榭作擬別本作振 案稷當作槁榭當依別本作振

淮南子覽冥訓亦有此文作植社槁而塙裂容臺振而掩

覆可證此文之誤

道術行充其宜謂之義反義爲悖盧云與僭同建潭本作僭訛

案說文心部云悖不明也與反義之義不協宋本作僭

亦字書所無懷疑當爲費古與悖通禮記緇衣口費而煩

鄭注云費或爲悖又與拂通中庸君子之道費而隱注云

費猶僂也釋文云費本又作拂墨子兼愛下篇云卽此言

行費也彼下文費又作拂蓋反義則言行拂悖故謂之費

胎教王太子無差臣領臣之子也故謂領臣之子也身朝王者

妻朝后之子朝王太子是謂臣之子也案差當爲養故當

爲胡之子朝王太子之字衍是謂臣之子也謂下亦當有

領字大意言太子不得養私臣唯得帥領諸臣之子也俞

謂差臣領三字故謂臣之子也七字竝衍文失之

淮南子許慎高誘注莊逵吉校刊本傳校宋刊本王念孫讀書雜誌校俞樾諸子平議校

敎詔使爲離騷賦自旦受詔日早食己上愛而祕之莊校云

本傳作使爲離騷傳案此自作賦與本傳不同文心雕

龍神思篇云淮南崇朝而賦騷卽本高敘

典農中郎將弁揖偕八卷刺之會捐身喪遂亡不得莊云弁

古卞字案林寶元和姓纂九卞姓云濟陰冤句人魏卞

揖生統爲晉瑯琊內史生粹中書令此下據晉書卞壺傳
樂大典子珍盱眙瞻然則此弁揖卽卞揖漢隸書弁字多
本說爲壺之曾祖晉書壺傳所載世系止詳統粹官爵
卞莊校是也

而不及揖此可以補其闕

原道如是則萬物之化無不遇而百事之變無不應高注云

遇時也

今本說此注據宋本補又宋本並題許注今據

案遇與耦通齊俗訓云夫以一世之變欲以耦化應時要

略云所以應待萬方覽耦百變也許注云耦通也字亦作

偶說林訓云聖人之偶物也高注云偶猶周也此云無不

遇亦卽周通之義高釋遇爲時失之文子守弱篇襲此文

遇作偶正與說林訓偶物字同

倣真

古之真人立於天地之本中至優游抱德煬和而萬物

雜累馬高注云抱其志德而炙於和氣故萬物雜累言成熟也 案雜累燕成熟之義雜疑當作炊莊子杜宥篇云從容燕爲而萬物炊累焉釋文云炊本或作吹同司馬云炊累猶動升也向郭云如埃塵之自動也淮南書似卽本彼文高訓爲成熟則與司馬郭義異耳

今以涅槃縑則黑於涅 案賈公彥周禮鍾氏儀禮士冠禮

疏引染縑並作染 紺疑據許本 齊俗訓云夫素之性白染

然質兩引以證紺色則 唐時自有作紺之本

訓 形 穀阪高注云穀阪弘農郡澠地穀欽吟是也 案注欽

當作欽鹽鐵論險固篇云阪秦師峭欽崙公羊傳作欽巖

穀梁作巖唵釋文云唵本作崙吟唵字同欽吟卽欽崙也

崙崙 莊本作 崙崙 之上或上倍之是謂涼風之山登之而不死或

上倍之是謂懸圃登之乃靈能使風雨或上倍之乃維上天登之乃神是爲太帝之居高注云假令高萬里倍之二萬里

案倍之爲言乘也登也

本王念孫讀書錄志餘編釋莊子義

或者又也或

上倍之謂又登其上也莊子逍遙遊篇云故九萬里則風斯杜下矣而後乃今培風此倍與莊子之培義正同莊子釋文云培重也本或作陪倍培陪字並通高訓倍爲加倍陸訓培爲重皆未得其義涼風穆天子傳郭注引作闔風闔涼一聲之轉

訓時則

其樹杏高注云杏有竅在中莊校云太平御覽注云杏

有核杜中案杏不可言有竅竅當作覈覈核古今字後

三月其樹李注云李亦有核說與杏同正冢此注而言御

覽是也

三月宮鄉高注云三月科民戶口故官鄉也 案注科當作

料形近而誤料民見國語周語

覽冥還至其留逝萬仞之上 案還字無義當爲還之誤還

與逮同詳前吳越春秋墨子兼愛下篇云選至乎夏王桀今本選亦誤還是其證

西老折勝高注云西王母折其頭上所戴勝 案老當作姥

廣韻十姥云姥老母古書多以姥爲母故西王母亦稱西

姥郭璞山海經圖讚不死樹讚云請藥西姥烏得如羿與

此正同

金積折廉高注云金氣積聚折其鋒廉也 案王充論衡量

知篇云銅未鑄鑠曰積石是積爲礪樸之名金積卽金樸

也高釋爲金氣積聚望文生訓與折廉之文不相貫矣

精神訓

人之耳目曷能久熏勞而不息乎

案熏勞無義熏當

作勤勤挽其半爲堇又譌作熏

篆文堇作堇熏作堇二形相似而譌

遂不可

通文子九守篇襲此文作何能久燠而不息亦非御覽三百六十三引文子作人之耳目何能久勤而不愛文亦有譌而勤字可正文子及淮南此文之誤

膈下迫頤高注云膈肝胃也迫薄至于頤也膈讀精神歇越

無之歇也案注膈肝胃也古無此訓膈肝當作髑髏廣

雅釋親云髑髏肉也靈樞經骨度篇云結喉以下至缺盆

長四寸缺盆以下至髑髏長九寸是髑髏正當胃間故高

云髑髏胷也但據靈樞則缺盆髑髏竝雙字爲名不當單

舉髑言之且頤在髑髏上而云下迫於義亦乖竊疑正文

本作膈肝

古从骨字多變爲肝部有肝字

迫頤注膈肝卽述

正文也肝或挽肉形作于又譌爲下遂不可通耳

病疵瘕者捧心抑腹 案疵與病義複疑是疝之誤急就篇

云疝瘕顛疾狂失響

詮言訓云豈若髮瘕疵之與瘕瘕之發而豫備之哉疵亦疝之譌

本經

乃至夏屋宮駕絲縣房植

解今本誤縣依王氏孫志正

案駕當爲

架之誤後文云大構駕興宮室注云駕材木相乘駕也文

選鮑照蕪城賦李注引彼文駕作架此宮駕字誤與彼同

抑微滅瑕高注云言劍理之美沒滅其瑕 案抑微蕪注以

義審之疑微當讀爲覺聲近字通周禮鬯人鄭司農注云

覺讀爲微此偕微爲覺與禮注讀覺爲微正同國語晉語

韋注云覺隙也抑微亦謂抑杜其覺隙與滅瑕文相對也

山無峻幹林無柘梓高注云柘桑梓滋生也王云梓當爲桤

桤古桤字也 案王說是也惟柘桤與峻幹文不對柘

疑當爲碩之段字

碩聲類同

碩梓謂萌櫟之大者

爾雅櫟碩大也

主術訓

耳能聽而執正進諫

案正與政聲同古通後文執正

營事同

鞅鞅鐵鎧

案鞅爲馬頸韁於甲義無取此疑當爲鞮草書

央貴二形近因而致誤國語齊語云輕罪贖以鞮盾一戟

管子小匡篇作輕罪入蘭盾鞮革二戟

韋注云鞮盾綴革有文如鞮也說文

革部云鞮革繡也荀子議兵篇云楚人絞革犀兕以爲甲

鞮如金石楊注云鞮堅貌考工記有合甲此鞮鞮亦言合

綴革札爲甲也

龔者可令唯筋而不可使有聞也王云唯筋未詳易林蒙之

離亦云抱關傳言龔跛推筋案玉篇口部云唯撮口也

筋不可以言唯唯當爲嚼之譌考工記弓人云筋欲敝之

敝注鄭司農云嚼之當孰賈疏云筋之椎打嚼齧欲得勞
敝是嚼筋爲漢時常語卽謂椎打之使柔熟以纏弓也
嚼俗作唯从雀與从爵同廣雅釋言云唯茹也咀唯也玉篇口部云唯同嚼與唯形近
而致誤易林展轉傳寫又誤作摧益不可通矣

脩行者競於往

莊本作佳此從宋本注同

高注云往自益也

案往當爲

任形之誤也後詮言訓云君好智則倍時而任已宋本任
亦誤佳可與此互證

趙武靈王貝帶鵠鵠

今本作鵠注同此依宋本

而朝高注云鵠鵠讀曰私

鉗頭二字三音也曰郭洛帶粒

今本

鉗鎬也

莊云本或作曰郭洛帶係

也鉗鎬

案此注文難通戰國趙策武靈王賜周紹胡服衣

冠具帶黃金師比史記匈奴傳作黃金胄紕素隱張晏云
鮮卑郭落帶瑞獸名也東胡好服之延篤云胡革帶鉤也

班固與竇憲牋云賜犀比黃金頭帶也漢書匈奴傳作犀
毗師古云犀毗胡帶之鈎也亦曰解牢亦謂師比總一物
也語有輕重耳此注私鈚頭卽史記之師比漢書之胥紕
犀毗郭洛帶卽張晏所謂郭落帶也郭洛帶粒鈚鎬也義
未詳疑當作郭洛帶私鈚鈎也

府吏守法君子制義法而無義亦府吏也不足以爲政 案
吏竝當爲史形之誤也周禮諸官皆有府史胥徒鄭注云
府治藏史掌書者凡府史皆其官長所自辟除

齊俗訓

聖人之見終始微言 案言當作矣

角觶不厭薄許注云

莊本竝題高注今據宋本及勞格說攷定後凡許注竝同

角觶刀劍

羽閒之覆角也 案刀劍無羽飾此羽疑當爲削之譌釋
名釋兵云刀其室曰削

帶足以結紐收衽束牢連固不亟於爲文句疏短之鞣案
短疑當爲矩文句者圖文也說文句部云句曲也疏矩者方文也鞣
字疑誤說文革部云鞣革生鞣也此上文竝說帶不宜忽
及鞣履此必有譌挽也

鵜胡飲水數斗而不足鰾鮪入口若露而死許注云鰾鮪魚
名案鰾鮪生於水燕入口若露而死之理竊疑此鰾鮪
當作蟬蛸蟬鰾古字通用周書王會篇歐人蟬蛇彼以蟬
爲鰾與此以鰾爲蟬可互證說文虫部云蜎蟬也或从舟
作蛸與鮪形近因而致誤死當爲飽亦形之誤蟬書二字相似墜
形訓云蟬飲而不食荀子大略篇亦云飲而不食者蟬也
是蟬蛸雖飲而不多故云入口若露而飽也然許注已以
魚名爲釋或後人所增竄與

視高下不差尺寸明主弗任而求之乎浣準許注云浣準水望之平 案泰族訓云人欲知高下而不能教之用管準則說管浣音近段偁字凡从官聲完聲字古多通用管或作筦是其比例管所以視遠準卽水平非一物也李筌太白陰經水攻具篇載爲水平槽鑿三池浮木立齒注水眇目視之三齒齊平以爲準是其遺法但彼不用管與古異耳

道應齊人濇于髮以從說魏王魏王辯之約車十乘將使荆辭而行人以爲從未足也復以衡說 案此人當作又又以爲從未足也句斷呂氏春秋離謂篇作有以橫說魏王有與又同

故慎子曰匠人知爲門能以門所以不知門也故必杜然後能門許注云不知門之要也門之要杜門外 案今本慎子

殘缺無此文義亦難通文子精誠篇襲此云故匠人智爲不以能以時閉不知閉也故必杜而後開彼文亦有譌掇參合校釋此似當云不能以閉所以不知門也故必杜然後能開言門以開閉爲用若匠人爲門但能開而不能閉則終未知爲門之要也文子開閉二字尙未譌可據以校

正文子

訓記論

魯昭公有慈母而愛之死爲之練冠故有慈母之服高

注云慈母者父所命養己者也此大夫之妾士之妻爲之

女母禮爲之

今本掇據宋本補

總麻三月昭公獨練言其記禮之

所由興也案此本禮記曾子問注女母當作如母儀禮

喪服云慈母如母是也但以禮經攷之注文必有舛譌蓋

注云慈母者父所命養己者也此喪服之慈母也其服父

卒則爲之齊衰三年注又云此大夫之妾士之妻此據內則云國君世子生卜士之妻大夫之妾使食子則喪服之乳母內則又云大夫之子有食母鄭注云喪服所下又云謂乳母也案諸侯所使食子者亦卽食母也禮爲之總麻三月卽據喪服乳母之服也揆之禮服慈母乳母輕重懸殊不可并爲一談高氏旣根據經記不宜踳駁至此竊謂此注當云慈母者父所命養己者也爲之如母此先舉禮經慈母之正名正服也此大夫之妾士之妻禮爲之總麻三月此明魯昭公之慈母實卽禮經之乳母非父命養己者其服不得如母也今本傳寫錯互移爲之如母四字著此大夫之妾士之妻下遂錯互不可通矣但曾子問孔子曰古者男子外有傅內有慈母君命所使教子也何服之有則非乳母甚明故鄭釋之云大夫士之子爲庶母慈己者服小功蓋謂卽喪服小功章所云君

子子爲庶母慈己者高義與記文顯迂又喪服慈母及庶母慈己三者之服竝據大夫以下言之諸侯則咸不服而高猶援乳母總麻三月之服以爲釋壹若昭公於乳母宜服總者亦與禮經不相應皆不足據耳

東至會稽浮石高注云會稽山名也浮石隨水高下言不沒

皆宋本在遼西界一說會稽山在太山下封於太山禪於

會稽是也會稽或作滄海案高謂會稽浮石在遼西界

今無攷竊謂會稽卽揚州鎮山周禮職方氏及呂氏春秋

有始覽竝云東南曰揚州則會稽於方位自得爲東莊子

外物篇云蹲乎會稽投竿東海明今浙東之海亦爲東海

不必別求之遼西及太山下也楚辭九思傷時云超五嶺

兮嵯峨觀浮石兮崔嵬王注云東海有浮石之山然則浮

石在五嶺之東準之地望其不在遼西明矣

羿除天下之害死而為宗布

死而二字今本到此據宋本乙正

注云羿古之

諸侯有功於天下故死託祀於宗布祭田為宗布謂出也

一曰令人室中所祀之宗布是也或曰司命傷布也案

此注譌掇不可通以意求之祭田為宗布謂出也當作祭

星為布宗布謂此也爾雅釋天云祭星曰布即高所本

星譌田此譌出但高釋宗布三義並凡說難信竊疑即周

又掇一布字禮黨正之祭祭族師之祭酺鄭注云祭謂雩祭水旱之神

酺者為人物裁害之神也祭宗酺布聲近字通禮記祭法雩祭祭亦作宗祭酺並

釐除裁害之祭羿能除害故託食於彼義亦正相應也

訓詮言

由此觀之賢能之不足任也而道術之可脩

今本作修此從宋本

明矣案脩當為循言道術可循守也

循脩二字古書多互譌詳前商子

故羽翼美者傷骨骸枝葉美者害根莖能兩美者天下無之也 案莖文字符言篇作莖與骸之協韻是也莖莖形近而

誤

兵略訓

夫風之疾至於飛屋折木虛舉之下大遲

宋本作遲

自上高

丘人之有所推也許注云虛舉不駕風疾飛之下大遲復上高丘也 案注以不駕釋虛舉則舉疑當作舉即與之俗大遲宋本作大達疑當作大達注同此似言疾風能飛屋折木而虛舉不能自下大達而上高丘必藉人力推之以喻兵勢之得失注釋虛舉亦云風疾飛之則與人之有所推之文不合殆非也

出入解續不相越凌 案續宋本作贖上文亦云察行陳解贖之數然不知解贖何義注亦並無說攷釋名釋衣服云

齊人謂如衫而小袖曰侯頭侯頭猶解瀆臂直通之言也
疑解續解續解瀆義同解續亦往來通達之語猶解瀆爲
直通之言也

審煙斥 案煙闔同聲段借字上文云無刑罰之威而相爲

斥闔要遮者同所利也是其證正字當作聖墨子備城門

說林以免之走使大莊本作犬誤今从宋本正如馬則逮日歸風 案歸

當爲遺聲之誤也呂氏春秋本味篇云馬之美者遺風之
乘高注云行迅謂之遺風

榛巢者處林茂安也 案茂疑當爲莽形近而誤漢書揚雄

傳長楊賦云羅千乘於林莽

巧冶不能鑄木工巧不能斲金者形性然也 案工巧當作

巧匠今本匠譌爲工而文又到遂不可通泰族訓云故良

匠不能斲金巧冶不能鑠木是其證文子上德篇作良匠不能斲冰良匠二字

亦與秦族訓同

脩務嫫母此佳也高注云此讀人得風病之靡案靡無風

病之義注靡當作痲說文疒部云痲風病也

琴或撥解柱曉閤解漏越高注云漏越音聲散案後秦族

訓朱弦漏越許注云漏穿越琴瑟兩頭也與此注異許義

爲允禮記樂記云清廟之瑟朱弦而疏越鄭注云越瑟底

孔畫疏之使聲遲也此云漏越亦猶疏越矣

籠蒙之視高注云籠蒙猶妙曙二字莊本作一目視也案

注妙曙卽法言先知篇之眇絲也李注云眇絲遠視莊本

妙作眇亦通挽曙字則非

秦族周公誅管叔蔡叔以平國弭亂可謂忠臣也而未可謂

弟也 案當作而未可謂悌弟也與上下文未可謂孝子未可謂忠臣未可謂慈父文例同

初純而親迎

莊本初誤紱今從宋本

王引之云初當作冠

禮

案初當

爲衾形近而誤衾純者謂玄衣而冕禮記郊特牲說昏禮

云玄冕齊戒又哀公問云冕而親迎衾冕卽玄冕也前齊

俗訓云尸祝衾衾大夫端冕注云衾純服是其義也

文選

賦李注引左傳服虔注云衾衣服黑服也又引說文云衾服玄服也今本說文衣部作衾玄服也王校未塙

略要

挾日月而不姚許注云接至也姚光也

案挾當爲周挾

之義荀子禮論篇方皇周挾楊注云挾讀爲挾帀也姚者

窕之俗字

二字聲類同

本經訓高注云窕不滿密也後文云布

之天下而不窕注云窕緩也前倣眞訓云橫局天地之間

而不窕記論訓云舒之天下而不窕荀子賦篇云充盈大

字而不窕竝與此文意相近

札遶卷八

瑞安孫詒讓

鹽鐵論

明徐禎刊本
校 舛懣讀鹽鐵論校

張敦仁考證校
一盧文弨羣書拾補校

王先謙校勘小議

力耕

雖有湊會之要陶室之術無所施其巧

案陶室之術

不知何指竊疑室當爲宛史記貨殖傳云范蠡之陶爲朱

公又云宛孔氏用鐵冶爲業家致富數千金陶宛卽指朱

公與孔氏也上文云宛周齊魯商偏天下亦可證

錯幣

第四吏近侵利或不中式故有薄厚輕重

案吏近義不可

通近當爲匠謂鑄泉之工匠也于祿字書匠俗作近

亦見唐易

州御注道德經及
僧定太等造像記

與近相似因而致誤

夫鑄僞金錢以有法而錢之善惡無增損於政俞校云於政

二字疑衍文以讀爲已言鑄僞金錢已有重法而錢之善

惡仍如故見其無益也 案俞讀以爲已是也而疑於政
二字爲衍文則非此當作而錢之善惡無增損於故今本
故譌爲政遂不可通

非執 第七何者商君之遺謀備飾素循也 案飾當作飭循當爲

脩竝形近而譌

莊子漁父篇飾禮樂釋文云飾本作飭脩循詳商子

刺復 第十而勉獲者咸蒙厚賞 案勉獲無義勉當爲勉形近而

誤前輕重篇云克獲之賞以億萬計克勉字通

憂邊第
十二

今子弟達於勞外 案勞於二字當乙

昭公廢卿士以省事節用 案此卽指春秋昭五年舍中軍
而言公羊傳云舍中軍者何復古也又襄十一年傳作三
軍傳云三軍者何三卿也古者上卿下卿上士下士是舍
中軍卽是廢中卿中士故云廢卿士省事節用與公羊復

古之義亦相近

本議第一是以盤庚萃居盧校云萃大典萃亦未詳張校云按卽

盤庚下篇鞠人謀人之保居也但未詳此萃當彼經何字

并其說若何耳 案萃居義固難通張說亦未塙萃居實

當作率苦形近而誤文選張衡西京賦云盤庚作誥帥人

以苦李注引書盤庚率籲眾慙出矢言蓋西漢經師有帥

人以苦之說桓張竝本於彼率帥古字通此當在力耕篇前誤錯著於此

褒賢第十九患在位者之虎飽鵠咽於求覽無所子遺耳盧校鵠

作噓云涂作鵠未詳 案鵠疑鵠之誤干祿字書鵠俗作

鵠與鵠形近而誤覽與攬通此以虎鵠之噬咽喻在位者

之貪盧校從俗本作噓咽則與虎飽之文不相對矣

相刺第二十天設三光以照記天子立公卿以明治 案淮南子

繆稱訓云日月之所照認記卽認之段字

鄙人不能荅言面違 案荅言面違義難通疑當作善言庸

違書堯典靜言庸違史記五帝本記靜言作善言蓋漢時

今文家說如是次公引書多從今文也善與荅艸書相近

傳寫善誤作荅校者不憭又改庸違作面違遂不可通耳

殊路第 孔子曰觚不觚觚哉觚哉故事人加張云事人當倒則爲宗

廟器否則斯養之豐才 案此釋論語雍也篇義蓋亦以觚

爲爵屬與馬融說同集解馬曰觚禮器一斯養卽廡養斯

古今字表二年左傳去斯役釋文云斯本作斯豐才當作爨材俗書爨或作爨見唐

秋日史豐或作爨見魏大誓碑豐形近而誤蓋觚以木爲

之考工記梓人爲言木加以人事刻鏤則爲觚薦之宗廟

否則爲棄材斯養取以爲薪給爨烹而已史記張耳陳餘傳集解引韋昭

云析薪爲薪炊烹爲養故云斯養之樂甘此蓋西漢論語經師古義與何氏集解及皇侃義疏引王肅等說竝微異

利議第二十七文表而柔裏亂寶也 案柔裏義不可通柔當爲臬

形近而誤文表臬裏言以文繡爲表衣而以臬麻爲裏衣也後散不足篇云絲裏臬表與此辭意正相反而義則同可以互證

國病篇云文表無裏欲袴臬裝義亦畧同

今舉異才而使減騶御之 案減騶義不可通疑當作臧騶

謂臧獲與騶僕也莊子盜跖篇又作臧聚聚卽騶之俗字詳前臧俗作臧與減形近而誤

後國病篇云富者空臧臧藏古今字今本亦謬爲減與此可互證

散不足第二十九豐奕耳菜 案奕非菜名豐奕疑當爲葦莢豐俗

或提作豐 易豐卦釋文云依字作葦莢與豐奕形相似因

而致誤說文艸部云蕈桑耳也蕘木耳也齊民要術說作木耳菹取棗桑榆樹邊生者是蕈英種類非一故通駭之云耳茶矣

大夫達棧楹士穎首 案禮記禮器鄭注云宮室之飾士首本大夫達棧孔疏引禮緯舍文嘉禮書引尙書大傳竝略同次公語卽本伏傳但彼以達棧首本竝爲棧飾穀梁莊二十四年傳說棧云大夫斲之士斲本國語晉語說棧云大夫斲之士首之棧棧同物說文木部棧方曰棧則固非楹制此云大夫達棧楹楹字疑衍穎首當卽穀梁之斲本然穎義未詳

聖憂壁飾盧校攸憂作變云卽攸字訛作憂壁疑壁王氏讀
洪氏讀書叢錄說並同案憂疑當爲黜聲之誤也周禮守祧云其

說則守就黝聖之鄭司農注云黝讀爲幽幽黑也穀梁莊二十三年傳云天子諸侯黝聖黝幽與憂音近故譌盧以

爲憂形之誤未塙壁字疑亦不誤韓非子十過篇云四壁聖墀

長穀數幅 案幅當爲輻謂數密之輻輻幅聲類同

蓋無染絲之飾又云常民染輿大輪蜀輪又云中者染韋紹

系 案染竝當爲漆漆俗書或作沫與染形近而誤北齊治疾方百

刻漆瘡字作沫亦見廣韻五質紹系疑亦當作絲系論功篇云匈奴車器

無銀黃絲漆之飾是其證

今富者鰥鰥狐白鳧翥 案鳧翥當爲翁二字下皆從羽

相涉而誤急就篇云春草雞翹鳧翥濯顏注云鳧者水中

之鳥翁頸上毛也又云言織刺此象以成錦繡繒帛之文

也此鳧翁蓋謂裘飾與繒帛文同

古者庶人賤騎繩控 案賤疑當作倭詩秦風小戎倭駟孔
羣釋文引韓詩云駟馬不著甲曰倭駟倭騎蓋謂不施鞿
勒而徒騎故用繩控也與倭駟義略同

臙鼈臙腥 案臙卽臙之段字方言云臙孰也腥當爲鯉形
近而譌此以臙鼈與臙鯉相儷猶詩大雅韓奕云炮鼈臙
鯉也若作臙腥則爲魚內之通語與臙鼈文不相對矣

折醒什半盧云疑析醒升斗 案盧校以折醒爲析醒是也

疑什半爲升斗則非什半謂十人而醒者有五也後文云

百姓離心怨思者十有半卽其證張氏考證按十有半云

王列傳漢書伍被傳同今案伍被所云有十室而五十室
而六十室而七十室而八四等之衰自是約計之率此什
半猶云十室而五耳次公語意雖同史記要
什五什六所較無多不容泥也張校殊繆

庶人卽采木之杠葉華之構 案葉華之構不知何物疑葉

華當作素桑正字素作桑華作雫二字竝從叕桑或作桑
與葉字亦相近蓋素桑傳寫或誤作華葉又到其文作葉
華遂不可推校耳下文說車云素桑樣亦其證也

今富者繡茵翟柔

案翟當作翟形近而誤翟柔卽氍毹也

釋名釋牀帳云裘浚猶婁數毛相離之言也北堂書鈔一

百三十三引聲類云氍毹織毛爲席也

廣韻十庚引作氍毹

一切經

音義十四云氍毹字苑作氍毹釋名作裘浚通俗文云織

毛蔦曰氍毹氍毹竝翟之俗翟裘一聲之轉柔浚氍毹音

竝相近氍則浚之俗也

羊淹雞寒案說文肉部云臠漬肉也淹卽臠同聲段借字

釋名釋飲食云韓羊韓兔韓雞本法出韓國所爲也雞寒

當卽韓雞韓寒聲近古多通用

塞捕庸朮

案疑當作蹇搏胃脯釋名釋飲食云脯搏也乾

燥相搏著也說文肉部云脯乾肉也膊薄脯膊之屋上捕

搏與膊字並通史記貨殖傳有胃脯集解晉灼云太官常

以十月作滯湯燂羊胃以末椒薑粉之訖暴使燥則謂之

精

干祿字書庸俗
作虎與胃形近

蓋漢時以胃脯爲珍饌故次公特舉之

也

自飽甘瓠

案自疑當爲台之謫台與飴通急就篇云鯉鮒

蟹蟬鮑鮑顏注云鮑海魚也鮑亦海魚加之以鹽而不

乾者也

毛詩小雅行葦篇黃耆台背鄭箋云台之言餘也爾雅釋訓作餘背

繁路環佩

案路疑當作露同聲段偕字言襍佩珠玉若冕

旒之垂也

昆旒爲繁露見逸周書
王會篇及崔豹古今注

紉裏紉下越端縱緣

案越與絨聲同字通急就篇云履易

韜裏絨緞紉顏注云絨織絲爲之一名車馬飾卽今之織成絨履跟之絨也絨緞以絨爲緞也皇象碑本絨作越此越端卽以絨飾履之端說文糸部云縱紕屬急就篇注云總絨也所以緣飾衣裳也字或作縱音義皆同則縱緣亦絨屬以緣履也

鹽鐵箴石第三十一若夫劔客論博奕辯盛色而相蘇秦立權以不相假案劔客論卽史記敘傳所謂劔論也盛色而相蘇句斷秦字衍前國病篇云大夫色少寬而文學而蘇也荀子議兵篇云蘇刃者死楊注云蘇讀曰僚僚向也謂相向格鬪也此盛色而相蘇亦謂盛其辭色而相向辯難也今本蘇下有秦字則不可通當刪

鹽鐵取下第四十一年饑則肆案此用今文論語義也隸釋漢石經

論語碑末記蓋毛包周諸家有無不同之文有蓋肆乎其肆也六字卽顏淵篇蓋徹乎如之乎其徹也之異文小爾雅廣言云肆緩也言年饑當緩其征賦次公語卽本於彼

肆徹古音同部得相通
段石經論語說詳經遂

和親第
四十八

大夫曰管徐偃王行義而滅舊本王字誤在行
下今從張之象本好儒

而削案好儒而削非徐偃王事此上當有挽文前相刺篇

云管魯穆公之時公儀爲相子思子厚爲之卿然北削於齊以泗爲境疑此好儒上卽挽魯穆公三字

險固第
五十

桀紂有天下兼於濟毫案濟非殷周所居疑當爲

瀋謂周鎬京也荀子議兵篇云古者湯以薄武王以瀋楊注云瀋與鎬同此謂桀兼於毫紂兼於瀋也

趙結飛狐句注孟門以存荊代案荊非趙地疑當作陘史

記趙世家趙希并將胡代趙與之陁集解徐廣云陁者山絕之名常山有井陘中山有苦陁穆天子傳至于鉏山之下郭注云卽井鉏山此以荊爲陁猶穆天子傳以鉏爲陁荊从刑聲刑鉏竝从开聲陁从至聲古音竝同部得相通俗也

齊撫阿甄關榮歷倚太山負海河 案榮歷疑當作濮歷戰國策秦策云王又割濮歷之北屬之燕斷齊秦之要絕楚魏之背負海河下有挽文

梁關者邦國之固而山川社稷之寶也 案梁關當作關梁山川下當有者字下文云使關梁足恃六國不兼於秦河山足保秦不亡於楚漢卽承此文言之

刑德第五十五

矯弋飾而加其上 案矯當爲矰張之象本肌改爲

繳與矯形聲殊遠盧校從之疏矣

申韓第五十六夫衣小缺襟裂可以補而必待全匹而易之 案襟

裂義難通疑當作襟裂說文中部云帔襟裂也襟殘帛也
衣部云裂繒餘也襟裂謂殘帛與全匹文正相對襟襟形
近而誤

新序 蔣氏刊校宋本 盧文弨羣書拾補校

卷三 令尹子西南面太宗子敖次之葉公子高次之司馬子

孫事反次之盧校反改發云宋本大學正義作大宗子牧章懷注
後漢書李膺傳引作太宰子方發舊作反今從正義所引
案余知古渚宮舊事三載此事太宗子敖作大宰子敖
子反亦作子發與孔李所引又小異

鴻鵠保河海之中厭而欲移徙之小澤則必有九縉之憂

案九繒義不可通當爲丸增丸九形近而誤繒與增古字

通

戰國策楚策云治其繒繒亦段繒爲增

丸謂彈

說文弓部云彈行丸也

增謂繒矢也

慈愛萬民

案民程榮本作明疑本作萌萌民古字通

詳前商子

不知弋者選其弓弩脩其防翳加繒繒其頸投乎百仞之上

引纖繒揚微波折清風而殞

案戰國策楚策作被礪礪引

微繒折清風而耘矣此云揚微波折卽礪之段字史記楚

世家云礪新繒集解徐廣云以石傳弋曰礪礪音波索隱

礪作礪波礪字竝通

中庶子聞之跪而泣曰臣尙衣冠御卽十三年矣前爲豪矢

而後爲藩蔽

案中庶子御卽者卽韓非子說疑篇所謂卽

中杜卽門之外也豪矢卽嚆矢莊子杜宥篇云焉知曾史

之不爲桀跖嚆矢也郭注云嚆矢矢之猛者釋文引向秀

云嘯矢矢之鳴者字林云嘯大呼也成玄英疏云嘯箭鏃

有吼猛聲也案同秀說得之嘯矢卽鳴矢李林甫唐六典

注引通俗文云鳴箭曰嘯

爾雅釋鳥鳴頭鳩郭注云湯音曉箭鏃字亦同

嘯與

豪散聲義竝相近莊子釋文引崔譔本作蒿或作矯亦聲

近段僻字崔釋云肅蒿可以爲箭陸德明釋矯爲揉竝非

嘯矢蓋先驅奉引所用此書與莊子皆取前導之義也

卷五

危事而蹟行

案蹟當作跡說文足部云蹟小步也

義勇

智伯囂之時有士曰長兒子魚絕智伯而去之三年將

東之越而道聞智伯囂之見殺也

案晉智伯名瑤

國語不晉語

名囂囂疑當作囂說文囂部囂从囂莧聲與寬聲類同史

記六國年表秦厲其公二十九年晉大夫智寬率其邑人

來奔蓋智瑤既亡其子姓尚有據邑以叛者智伯囂當卽

智寬據史表則寬奔秦未嘗見殺劉所述或傳聞之誤

芋

今本爲芋盧據漢書占今人表正今從之下同

尹文者荆之歐鹿麋者也

案歐

當爲歐之誤渚宮舊事一作驅字同

芋尹文拔劍齊諸軫而斷之盧校軫改軾云軫訛或作角下

同案盧校作軾者據下文云大夫之旗齊於軾也渚宮

舊事載此事齊諸軫及下大夫之旗齊於軾軾兩字竝

作角是也角較音近字通齊角卽謂齊車騎較也昭十年

左傳公卜使王黑以靈姑鉅率吉請斷三尺焉而用之考

工記輿人賈疏引服虔注云斷三尺使至於較大夫旗至

較又引禮緯云諸侯旗齊軫大夫齊較左傳昭七年孔疏

引禮緯稽命徵云禮天子旗九刃曳地諸侯七刃齊軫大

夫五刃齊較士三刃齊首此下文云王者之旗拽於地今本

視此七字國據諸宮舊事補

國君之旗齊於軫大夫之旗齊於角與禮

緯差次正同今本齊角作齊軾說雖可通而與緯文不合

矣

凡齊較據兩軾距軫三凡處言之非謂較之上箭也禮緯說三等初數並不爲典要詳周禮正義

子期以文之言告王悅案諸宮舊事作對曰臣固將謁之

彼鞭朴之使而敢斲臣之旗勇也臣問之而服臣以法智

也勇且智臣願君王用之昭王曰善文較此爲詳疑此書

舊本如是大抵今本此章說文甚多盧僅據補王者之旗

拽於地句殊爲疏略

卷九

善謀君曰代位不亾社稷君之道也案商子更法篇作代

立不忌社稷位立忌亾古字通

拘世之議人心不疑矣案商子作拘世以議寡人不之疑

矣此人上蓋說寡字上文衛鞅兩言君無疑故秦孝公答

云寡人心不疑若作人心不疑則與上文不相應足知其誤

說苑明楚府刊本日本關嘉纂注本盧文弨羣書拾補校俞樾讀書餘錄校

劉向後令以類相從一一條別篇目更以造新事十萬言以

上盧校云後下疑有祝文案以文義校之後當爲復之譌

下庶說文新事當作新書凡向所奏書校定可繕寫者爲

新書荀子曰錄載向奏題新書詳前賈子新書是其證也何允中

本竝無此奏今據盧校宋本及楚府本萬曆丙申汾州刊本校錄

臣有能比和同力案和當從荀子臣道篇作知形近而誤

攻伐足以成國之大利案攻荀子作功功正字攻同聲段

僭字

楚令尹死景公遇成公乾曰令尹將焉歸案渚宮舊事二

載此事作成公朝未知孰是

建本子者親之本也無所推而不從命推而不從命者惟害親者也 案推疑當爲往形近而誤

孔子曰爾聞瞽叟有子名曰舜 案御覽四百十三引爾聞

作汝不聞是也當據補不字家語六本篇云汝不聞乎咎

瞽叟有子曰舜

毛本叟作叟今從宋本

韓詩外傳八亦云汝不聞咎

者舜爲人子乎竝其證

復思此書之所謂德無小者也 案此佚書文呂氏春秋報更

篇云此書所謂德幾無小者也墨子明鬼下篇云禽艾之

道之曰德幾無小

得德字通

文竝略同今僞古文伊訓亦據此

文而改之云惟德罔小

蟹果者宜禾纂注云荀子儒效篇注引此垞作螺云曰解螺

蓋高地也。盧云蟹御覽三百九十一作雞注云雞肝黑土
案尊賢篇文同。周禮草人鄭注云勃壤粉解者淮南子
主術訓譬猶揚堞而彌塵高注云堞塵歷也。楚人謂之堞
此蟹卽解之偕字解堞言土散解如灰塵者荀子注作蟹
螺乃聲之誤御覽作雞堞尤繆不足據

政理賤貨利之弊以變之纂注云弊敗也 案弊幣通關說非
公儀休曰止池淵吾不稅蒙山吾不賦 案池淵疑當作蛇
淵蛇卽俗蛇字春秋定十三年經云築蛇淵圍卽此

公孫揮知四國之爲而辨於其大夫之族姓變而立至盧據
左襄三十一年傳校刪而至二字云惠定宇云變立卽古
文班位然則而至二字乃後人妄增也傳班位下又有貴
賤能否四字 案惠說是也此文全本左傳變而立至當

作變立而至卽左傳之班位能否也而至二字當杜立下
實非衍文而能字同至卽否字之譌否正字作否與禮記至形近而譌
禮運正義云劉向說苑能字皆爲而也是此書唐本能多
作而今本爲校者改鼠殆盡惟此文上下舛互校者不曉
其義以意改爲變而立至而能字之俗用而轉未改鼠耳
羅門之羅收門之漁纂注云收字不見字書疑收字収同將
案収字亦無義此疑當作収卽漁之段字周禮獻人釋
文云亦作鮒同說文竹部云樂或作収从収从魚鮒又収
之別體也収門之漁與羅門之羅文正相對關疑爲収之
譌則與上句文例參差不合矣

尊賢又有士曰解干王將殺之出亡走晉晉人用之是爲兩堂
之戰案呂氏春秋至忠篇云楚莊王與師戰於兩棠大勝

晉書子先醒篇亦云楚莊王南與晉人戰於兩棠棠字
通依呂賈說當卽春秋宣十二年邲之戰杜注邲鄭地兩棠蓋楚地名鹽鐵論險固篇云楚有汝淵滿堂之固滿堂
疑亦卽兩堂也

正左執蘇從手右抽陰刀刎鍾鼓之懸盧云陰宋本金類聚

佩案清宮舊事一亦作金刀則宋本是也

孟嘗君將西入秦賓客諫之百通則不聽也曰以人事諫我
我盡知之若以鬼道諫我我則殺之謁者入曰有客以鬼道
聞曰請客入案客以鬼道聞而請之入則上不當云我則
殺之戰國策齊策孟嘗君曰人事吾已盡知之矣吾所未
聞者獨鬼事耳是孟嘗君固欲聞鬼事者此殺當爲試之
誤謂嘗試察之也試譌爲弑又譌爲殺試弑殺三字古多互通儀禮士冠禮

注纂殺所由生釋文云遂不可通

敬慎吾嘗見稠林之無木平原為谿谷君子為御僕吾嘗見江

河乾為坑正冬采榆葉仲夏雨雪霜千乘之君萬乘之主死而不葬案匡謬正俗五引此文平原為谿谷作平原之為

谷又君子為御僕作君子無侍僕此文坑作阮葉作桑今

本阮作坑者俗字桑作葉又與韻不協竝當據顏書校正

善說乘青翰之舟極蒨芘張翠蓋而榆犀尾盧云蒨芘未詳蒨

讀若蠻翠下御覽有羽之二字案極蒨芘極疑當作插

干祿字書插通作插與極形近而誤蒨當讀為幔周禮

胡呂氏春秋孟冬紀高注作漫芘蔽聲近義同左傳文十

引爾雅舍人周禮巾車木車蒲蔽鄭注云蔽車旁禦風塵

注云芘蔽也者儀禮既夕注又釋蔽為藩蓋舟亦有藩蔽以遮禦風塵

與幔同張而插之也徐陵玉臺新詠載山木歌序約此文

亦云張翠羽之蓋與御覽引同

漢書元后傳云立羽蓋張周帷幃濯越歌

榜檣越人擁楫而歌案玉臺新詠攤作權釋名釋舟云杜

旁撥水曰權又謂之楫詩衛風竹竿毛傳云楫所以權舟

也則作權亦通

詩唐風綢繆孔疏引作攤則唐本與今本同

今夕何夕兮寧中洲流盧云中洲御覽作舟中書鈔無洲字

案玉臺新詠亦作拳舟中流是也今本舟誤作洲又到

箸中下遂不可通

詩綢繆疏引拳中洲流作得與拳舟水

子哲接草而待案接草義不可通疑接當爲捽形近而誤

捽草見漢書貢禹傳說文手部云捽批也批捽也晏子春

秋諫下篇云晏子後至滅葭而席捽草猶云滅葭矣

滅卽捽同

聲段脣字

夫賜其猶一累壤也以一累壤增大山不益其高 案累藪之段字詳前越絕書

奉使於是以楊幹麻筋之弓六往 案古作弓無以麻代筋之

法麻當爲麋形近而誤

周禮土訓注幽舛地宜麻釋文攷云麻劉攽皆作麋與此相類

工記弓人云麋筋席蠓濇

吾望而魯城也若類失匹國纂注云也與茫通若助辭失恐

夫字 案若類義同於文爲複贅疑茫若當爲茫之誤

吾視若魯君類吾國子盧本國下校云八字誤衍釋史刪

案國疑衍文吾子卽兒子也管子海王篇云吾子食鹽二

升少半又國蓄篇云吾子食二石尹注云吾子謂小男小

女也此文魯君云親自使於齊齊不聽故齊侯有此語

言其闇弱類小兒也盧以子屬下讀又據釋史疑吾視以

下八字皆衍文竝失之

謀所下士者三人與已相若者五人所與同衣會者十人

案千人數太多渚宮舊事二作十人近是

楚成王贊諸屬諸侯纂注引澠井孝德云贊恐當作贅贅聚也案澠井說是也此當作楚成王贊諸侯贅與屬同校

者注屬於贅下遂誤衍二字耳此書多以贅爲屬如奉使

篇云梁王贅其羣臣而議其過是也

孟子屬其耆老尚書大傳作贅其耆老是

贊與屬通毛詩大雅桑柔傳云贊屬也

至公臣竊選國俊下里之士曰孫叔敖秀羣多能盧云羣御覽

四百二十九又四百四十四俱作才案渚宮舊事二載

此事作禿羣多能注云荀卿子曰叔敖突禿長左

非相余

知古蓋以禿羣之文與荀子突禿正同故引以相證則禿

不當作秀明矣禿羸言叔敖之形首無髮而羸瘦與多能二字不相冢御覽作秀才乃後人妄改不足據也

指武有登蓋必身立焉 案登疑與簦通說文竹部云簦笠蓋

也

復柔委從如影與響 案復柔無義復疑當爲優形近而誤

商子境內篇能一首則復復今本誤優與此可互證

說蒲且修繳鳬雁悲鳴逢蒙撫弓虎豹晨嘒河以委蛇故能遠山以陵遲故能高道以優游德以純厚故能豪 案此嘒

高豪爲韻惟第二句鳴字不協李賡芸炳燭編謂是號字之譌今攷號與嘒音義同與鳴字形聲俱遠殆非也以意推之鳴當爲嘒之壞字說文口部云嘒聲嘒嘒也徐鉉引孫勔音古堯切正與韻協傳寫脫木形遂成鳴字耳

雜言

文公種米曾子駕羊盧云駕宋本架纂注云此二句見淮南子秦族訓駕作架高誘曰架連架所以備知也陸賈新語補正曰曾子駕羊 案宋本作架是也意林引新語亦作枷羊枷架竝迦之段字說文走部云迦迦互令不得行也管子戒篇云東郭有狗噉噉旦暮欲齧我楫而不使也尹注楫作枷云謂以木連狗後漢書馬融廣成頌云枷天狗蓋枷者以木連繫畜獸使不得觸逸之名故高誘訓爲連架架羊猶枷狗矣

智伯廚人亾炙選而知之 案廣韻二十八獮云選竹緣於義無取此選當與匱同士冠禮注云匱竹器古文匱爲簞禮記明堂注云簞選屬也以竹爲之史記汲鄭列傳云其餽遺人不過算器會集解引徐廣云算竹器算簞竝與匱

通選則匱之俗也

凡从算聲異聲字古互通漢書元后傳晉灼注云纂或作纂禮記喪大記釋文

云纂本作撰故匱或變作纂御覽七百五十六引通俗文云竹器邊緣曰匱廣韻纂字注疑當作竹器邊緣

惠子曰子居艘楫之間則吾不如子 案此居上不當有子

字蓋涉上文而衍

夫寢處不時飲食不節迭勞過度者疾其殺之 案迭當爲

佚家語五儀篇作逸字通韓詩外傳作勞過者三字誤

故君子知之爲知之不知爲不知言之要也能之爲能不能爲不能行之至也言要則知行要則仁 案行之至也至字

當從韓詩外傳三作要與下言要行要文正相應若作行

之至也則下文行要當作行至

荀子子道篇家語三恕篇正如此

此文兩

不相應足知其誤

辨物 有人長尺冠冕大人物具焉

案大疑而之誤管子小問

篇云寡人見人長尺而人物具勇可證

搦腦髓束盲莫盧校盲改盲云盲訛史記作揲荒爪幕此盲莫卽荒幕幕膜也 案史記扁鵲傳作搦髓腦揲荒斬幕

索隱云荒音荒也幕音漠漠病也正義云以爪決其闌幕也盧校盲作盲是也史記作荒古字通用莫幕亦膜之俗

字

釋名釋形體云膜幕也幕絡一體也

素問痺論篇云衛者水穀之悍氣也

故循皮膚之中分肉之間熏於盲膜散於胃腹王冰注云盲膜謂五藏之間隔中膜也可證此盲莫之義司馬貞張守節說竝未審

子容擣藥子明吹耳陽儀反神子越扶形子游矯摩 案韓

詩外傳十子子同擣藥子明灸陽子游按摩子儀反神子越扶形周禮疾醫注神農子儀之術賈疏云案劉向云扁

鶴治趙太子暴疾尸歷之病使子明炊湯子儀脈神子術案摩又中經簿云子義本草經一卷儀與義一人也賈氏所述劉說卽本此書其所據猶唐初善本子儀之名與疾醫注相應今本作子明吹耳陽儀反神蓋傳寫譌炊爲吹湯爲陽又衍耳字挽子字遂以陽儀爲人名大繆韓詩外傳子儀字亦不誤

反質夫質又何也案質當作賁呂氏春秋壹行篇作夫賁又何好乎

其宰進諫曰車新則安馬肥則往來疾狐白之裘溫且輕盧云御覽六百九十四有君宐服之四字案意林引亦有君宐改也四字與進諫之文尤相承貫較御覽爲長夫衛國雖貧豈無文履一奇以易十稷之繡哉案奇與跣

通方言云尙踣奇也管子侈靡篇云一踣腓一踣屨稷當

爲稷形近而誤

莊子則陽篇是稷稷何爲者邪釋文云稷字又作搯一本作稷是其證

說文

云布之八十縷爲稷史記孝景本紀令徒隸衣七稷布西京雜記云五絲爲緝倍緝爲升倍升爲緘倍緘爲紀倍紀爲緩晏子春秋內篇雜下云夫十總之布一豆之食足於中免矣緩稷總字通蓋布八十縷帛八十絲通有此稱也其有之者是謂伐其根素流於華葉案根素義不可通素疑當爲菱形近而誤

子貢曰請投吾師以學於子盧校師改詩案意林引作子

貢曰損吾詩學子詩投損義竝難通疑當爲捐之誤

法言李軌注

秦恩復景刊宋治平監本音注本宋本音義校

明世德堂刊五臣宋本音義校王念孫讀書稊志餘

編校

俞樾請子平議校

吾子梲革爲鞠音義云梲音緩又音款斲木也宋吳祕云梲

當爲梲梲刮摩也宋咸同司馬光云梲舊本作梲梲當作

梲所以塞履也以毛梲革而爲鞠明本案梲當爲梲之偕

字梲革言以革爲圓丸也攷工記冶氏重三梲注鄭司農

云梲量名讀爲丸列子黃帝篇繫梲二而不墜莊子達生

篇梲作丸此梲亦謂丸也史記衛青傳索隱引三倉云鞠

毛丸可踢以爲戲者御覽七百五十四引風俗通云丸毛

謂之鞠踢鞠以革裹毛爲丸故謂之梲諸說並失之

先知第九禮樂征伐自天子所出春秋之時齊晉實予不膠者卓

矣李注云禮樂征伐當自天子出而春秋之時天子微弱齊

桓晉文專命征討然而所爲皆尊王室故春秋公羊傳文

雖不予而實予之存於公正也吳祕云予與與同春秋之

時齊晉得專征伐蓋前王與之爾

明本

案予與與聲近字

通此謂禮樂征伐本不自諸侯出而春秋之時天子微弱則齊晉與於禮樂征伐之事此亦事之不可膠者諸說竝失之

或曰爲政先殺後教曰於乎天先秋而後春乎將先春而後秋乎吾見玄駒之步雉之晨雖也化其可以已矣哉 案步當作走晨當作震形聲之誤夏小正云十二月玄駒賁玄駒也者螳也賁者何也走於地中也正月雉震响响也者鳴也震也者鼓其翼也此卽揚子所本二者皆物化之先動者故舉以明先春後秋之義也

重纂第十

或問黃帝終始曰託也注云世有黃帝之書論終始之運當孝文之時三千五百歲天地一周也 案黃帝終始

漢書藝文志不著錄史記三代世表褚先生引黃帝終始傳云漢興百有餘年有人不短不長出自燕之鄉卽此書也漢書律厯志云丞相屬寶長安單安國安陵栢育治終始言黃帝以來三千六百二十九歲此據元鳳三年言之與李說略同日人無爲秦也喪其靈久矣案靈謂威福之柄淵騫篇云游俠曰竊國靈也與此義同

太玄經范望注明萬玉堂刊本司馬光集注本俞樾諸

辰次七女不女其心予覆夫諱俗諸字集注本作諱范注云諱謀也于

我也司馬光云予與與同王涯云諱智也集注案陰初一

云陰不于丈夫婦處測云陰不予人所遠也王涯云陰閉

而不與物接丈夫而効婦人之處室也集注此云女不女其

心予與彼文相反而義正同諱與壻通蓋予者與外人言

接之謂此乃丈夫之事今女而不守女道乃有丈夫之心
宜其覆夫壻矣諸家注竝未得其義

夷首

陽氣傷精陰無救癰物則平易注云癰病也 案爾雅釋

木云癰木付婁郭注云謂木病尪偃瘦腫無枝條卽此癰
字之義救讀爲杻卽釋木之下句曰杻也山海經海內經
云建木下有九杻郭注云杻盤錯也杻與救聲近字通無
杻曲癰腫卽平易之意

樂

次三不寔不雅噪呱啞昨號眺倚戶注云三爲進人始當
及時未有官爵故不寔遊有雅樂也噪呱號眺皆憂聲也

釋文云噪古弔切又叫 案依釋文則噪與說文口部噪

字同

見前說苑

玉篇口部無噪字而有噪字云古弔切聲也亦

作叫又有噪字云五弔切叫也蓋噪卽噪之變

變从鼻爲从黑聲同

噪則又噪之譌也不宴不雅宴燕字同禮經樂有雅有燕言既非燕樂又非雅樂惟噪呼作聲而已故測云不宴不雅禮樂廢也范注失其情司馬光釋宴爲安雅爲正云廢禮則不得其安廢樂則不得其正尤誤

逃

次六多田不婁費我朕功測云多田不婁費力忌功也注云六爲宗廟征行須時以奉神靈孰會爲朕征田多獲歸之於宗廟賞不失勞故曰朕功也王涯云若田於多田而不婁理之徒費會與功而無益也

集注

案范蓋讀婁爲腰

臘之腰然於文義殊不順今攷多田義當從王而訓婁爲婁理則不塙疑婁當爲耒之段字玉篇耒部云耒耜也言多田而不犁耕則徒費播種之力故測云費力忌功也

昆

次七益偏不覆晏雨不救注云晏雨以論盛也雨盛不救

君德之不隆也司馬云晏晚也

集注

案晏謂天姓也說文

日部云晏天清也漢書天文志云日晡時天星晏如滄云
三輔謂日出清濟爲晏是星晏卽謂姓晏淮南子繆稱訓
云彈日知晏陰諧知雨此晏雨亦謂姓雨也蓋所以蔽雨
姓則亦以蔽日今偏而不能覆則姓與雨皆不能蔽故云
晏雨不救諸說竝誤

或

次六幽闇積不減不施石測云幽闇不施澤不平也注云
減而不施故謂之石也案石與碩通積次六云大滿碩
施得人無亢測曰大滿碩施人所來也此石與彼碩正同
言不減不施則其積日見碩大也司馬光釋爲不減不施
其碩如石尤誤

疑

次三疑彊昭受茲閔閔于其心祖測曰疑彊昭中心冥也

注云彊彊梁也昭明也三爲木而杜木行故疑彊梁而明
盛也必受此疑故閤閤然而自憂也王涯云疑而彊昭暗
而彊明矣其受此閤憂於心祖祖本也集注案疑彊昭王
說得之閤閤當讀爲恣恣廣雅釋訓云恣恣亂也法言問
神篇云著古管之噤噤傳千里之恣恣者莫如書李注云
恣恣心所不了此言疑而強以爲昭則心受其恣恣終於
不了故洲云中心冥也范注竝失之王詒閤爲憂亦誤
止次二車翻侯馬解止注云二爲平人不隱不仕家性爲止
故車則刺侯而馬就止也案酋當爲緇同聲段借字說
文系部云緇馬紂也釋名釋車云韉適也杜後適迫使不
得卻緇也軻所以止車緇所以止馬故竝舉之范訓酋爲
就未塙

玄福則有膊禍則有形之謂直釋文云膊切肉也司馬光說
同案膊與形義同鴟冠子度萬篇云膊膊之士陸注云
膊形埒也又天權篇云合膊同根命曰宇宙亦形埒之義
俞校以膊爲端之段字未埒

玄規鬼神耗荒想之無方無冬無夏祭之無度故聖人著之以
祀典規擬之一六注云耗空也荒虛也空虛之地若鬼神想
象無有常方案注說非也書呂荊云王享國百年耄荒
周禮大司寇注引書作王耗荒僞孔傳云耄亂荒忽此耗
荒亦與書義同言鬼神荒忽難知故云想之無方也

告玄歲寧恙而年病十九年七閏天之憤也注云寧安也恙猶
著也一歲之數有足者有減者足則年安不足則爲病故
曰年病也寧恙司馬光從張顥本作寧恙集注俞校云歲與

年較多十一日弱所謂氣盈也年與歲較少十一日弱所謂朔虛也歲寧悉卽氣盈之謂年病卽朔虛之謂寧乃語詞案俞以氣盈朔虛說此章之義是也而從張顥本以恙爲悉則未塙恙當讀爲養恙與養同从羊聲古字通用大戴禮記夏小正云時有養日傳云養長也此以養與病文相對朔虛謂之病則氣盈謂之養固其宜矣

潛夫論

注繼培注本

俞樾讀潛夫論校

述教第

十六 皆知赦之不久則且其橫枉侵冤誣奏罪法令主上

妄行荆辟高至死徙下乃淪冤案今當爲令淪冤疑當爲

論免皆形之誤此言誣奏良吏令上失刑重者至死徙輕

者亦論罪免官

上文云正直之士爲吏也故此云論免

今本作淪冤則與死

徙高下無別蓋涉上文橫枉侵冤及下文被冤之家而誤

又謹慎之民用天之道分地之利擇莫犯土謹身節用注注

擇莫犯土句有誤字程本土作法案此當作捫草杞土

漢書貢禹傳云農夫父子暴露中野不避寒暑捫顏注云少

古草字也杞土手足胼胝卽王節信所本今本上三字皆形近

譌易惟土字未譌而程榮又肌改爲法繆之甚也

五德志第三十四雖多未必獲正然罕可以浮游博觀其求厥真

案罕疑當作幸謂冀幸可以浮游博觀與學者其求其真

也俞讀然罕二字絕句非